

## NAMIBIA SENIOR SECONDARY CERTIFICATE

FIRST LANGUAGE SILOZI ADVANCED SUBSIDIARY LEVEL

**8197/1**

PAPER 1 Reading and Directed Writing

2 hours 15 minutes

Marks 60

**2022**

Additional Materials: Answer Book

### INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer Question 1 (**compulsory**)
- Choose between Question 2 **or** Question 3 and answer the question.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

### LITAELO NI LITABA ZEÑWI KWABATATUBIWA

- Ñola likalabo mwabuka yoFilwe Yakualabela.
- Ñola nombolo yasibaka sakuñolela, nombolo yakubaMutatubiwa ni Libizo lahao mwasibaka sakuñolela sesiFilwe fabuka Yakualabela.
- Ñola kasiñoliso sandilu kapa bunsu.
- U sisebelisi siñoliso kapa lingongwe lelitakula.
- Alaba puzo 1 (**kapelezo**).
- Keta mwahalaa Puzo 2 **kapa** Puzo 3 ni kualaba puzo.
- Tokomela hahulu peletelo, sebeliso yamaswayo akubala ni pupo yalitaba
- Nombolo yalinepo ibeilwe mwasakana [ ] kwamafelelezo apuzo ni puzo kapa kalulo yapuzo.

This document consists of 7 printed pages and 1 blank page.



Republic of Namibia

**MINISTRY OF EDUCATION, ARTS AND CULTURE**

**Taelo**

Alaba puzo 1 (**Kapelezo**), mi ukete mwahalaa Puzo 2 kapa Puzo 3.

**PUZO 1**

Bala likande lelitakozwi mwaliñusa lelifitisizwe kwabaituti famukiti wakufiwa mushukwe kuzwelela kucziba wa mueñi fa Dartmouth College.

(a) Ufitise maikuto kamo muñoli nasebeliseza puo ni mukwa kutahisa maikuto ahae fataba yefilwe. [20]

(b) Sibubui yaswana ufitisa liñusa fa sikolo, kwabaituti babatateka sitopa sa 12 kalizazi lapili mwasilimo sabona sa kufeza sikolo. Usebelise hahulu manzwi ahae, uñole kalulo ya liñusa. Usebelise kalabo yahao ka kuitomahanya famutomo watimana yefilwe.

Uñole manzwi a mwahalaa **120 – 150**. [10]

Batu haba fanga mañusa amufuta wo, kamita bafitisa likazabutali, nize taba maikuto luli. Bana ni ngana yebafa. Banani lituto za kuikabela. Bakubulelela: Ulatelele litolo zahao. Teeleza kwalizwalo lahao. Ucinde lifasi. Beya sisupo sahao. Ufumane seo usitokwa usieze kuli si opele. Usi ikutwi kuzwafa ulike hape. Lola. Lola nikulola litola zetuna. Lola mi usituheli kulola kufitela litolo zahao kaufela liba zaniti.

Buñata bwabatu habapatehile mwalitolo, batu ba batabile luli, batu babaezize hande, babatabela luli, ba baitengile, batu ba ba maata, ba patehile. Baloli ba ezañani? Batalima mwambyumbyulu ni kulela mihupulo kunahana kuli bakabulela zateñi li safeli. Mi liutwahala hande luli. Ubulela kaza teñi, mi ulela zateñi. Ulela zabupilo bo bumwabundilu bwambyumbyulu. Mi yomuñwi ni yomuñwi ki seo a si bulela kuli mueze. Kulukile? Ni tatalusa, ki seo Oprah ni Bill Gates baezize kuli ba zwelepili, kulukile? Batili.

Litolo kizende. Kono kilitolo feela - nakonyana, zafefuka ni bunde. Kono litolo halibi zaniti bakeñisa kuli ulilolile. Kikusebeza katata kokutisa kuli lika zeo liezahale. Kikusebeza katata kokutisa cincho. Tuto yapili! Usiye litolo ube muezi, isiñi muloli.

Haneni felize kosi yaka kwa College kale koo, ka 1991, haneni inzi onakoo komunze muni talimezi inge ni teelize ku Prime Minister Elizabeth Dole inge abulela, Nilumela kuli nenisina zibo kusana bulela. Neni suhile. Balikani baka neba itabisa. Nebali mwanyenwanyewa, neba tabile. Hakusana sikolo, hakusana libuka, hakusana mutalimelo womaswe wamaticele. Kono neni hupula, kana wani sabisa? Mufumana mabisi ni linosi kwanu! Kuikatulusa hakunatifo. Ki mañi yabilaela ha kusina sibaka sa kulukiseza milili yaka? Nina nilika kaufela zenitokwa kwanu; Balikani baka kaufela bateñi kwanu. Nina ni libapalelo la kampani kwanu.

Nako yeo uzwa kwa College, unahana kuli ukanga lifasi ka ñuli. Minyako kaufela ika kukwaluhela. Ikaba kuseha ni daimani kwanzohoto ni bulyo. Se si ezahala luli ki se, kwalifasi kaufela, ukwamafelelezo alibunda. Imi kumaswe. Lifasi luli haki le litabisa sina mono lihupulela kubela.

Fa nako yahao ya maata kaviki niviki kwasika se sinde. Unahane se siñwi kwandaa hao. Batu babañwi ba akaleza kuli kuezwa cwalo kukananula mayemo ahae akuba hande. Babañwi baliki maikuto amande. Ni bulela kuli kukakulumelela kuhupula cwalo, ukona kuba wa butokwa kapa wapili mwalubasi lwahenu kuya kwa College, moya wo buyela ki kanako yacwale ki moya

feela. Utabele cwalo.

Nasaba kuli niku sabisize kapa mane nibatilo fapuha kalulimi. Wo nesi mulelo waka. Ki sepo yaka kuli muzwe faa inge, mutabile, kuzwelapili kuituta mwamoya, kuitukiseza kunga lifasi ka ñuli. Yeo neikaba nto yende luli. Zibo yaka kikuli kwasabisa kufumana mushukwe. Kono wakona kulobala fa bulilo bwa ndandulumu yahao nikulila sinamoneni ezelize na, bomaho inge bazwelapili kubakanya libyana zahao... kapa ukona kuba nitolo yesakonahali yakuli ube yazibahala yeo ukai tuhela nako hainze iya.

Usakona kuzuha zazi leliñwi nikuipumana upila bupilo bone usika iteekela. Kona bupilo bwa muezi boo. Litolo zaka halisika ba zaniti. Kono neni sebelize katata luli. Ni fitile kwamafelelezo a kuyaha muleneñi ka kunahansisa. Cwale kueza halileñi kwalitolo zaka?

Uhupule, haisali wena yazwiseza musebezi kwapili. Seli wena muyahi wanaha tota. Seunani lika zabutokwa zakueza kuli ube mutu yatompeha kwakukena nikutusa sicaba sa silalanda. Kakuli seuli sona kacenu... kona seuli sona.

*(Itokozwi mwa luñusa La Shonda Rhimes, mbuwana 08, 2014)*

Alaba Puzo 2 **kapa** Puzo 3.

## PUZO 2

Bala sifiha sesitokozwi kwamakalelo alikande la bo N K Mbaeva.

- (a) Fitisa maikuto ahao kamo muñoli na sebeliseza puo ni mukwa wana fitisa kaona zabutata ni za kusa zibahala hande kwabupilo. [20]
- (b) Ñola makalelo akauhanyo yelatelela mwalikande, mo kutaluswa za muuna hautwa litaba ni kuya kwasipatela. Usebelise hahulu manzwi ahao, usebelise kalabo yahao kakuito mahanya famutomo watimana yefilwe.

Uñole manzwi amwahalaa **120 – 150**. [10]

Ki Labutanu mwamuleneñi wamamonyi. Haki Labutanu bo buswana, kono ki Labutanu bo mañini mañi aikutwa kuli lipokoto zahae litezi. Ki kezahalo yetaha hañwi kasiwela. Mioya yabatu ipahami haibapanywa kwalikezo zabupilo bo buipitezi bwa liviki zefelile. Kone kusa fumanehi sico ... kone kusa fumanehi sa kunwa ... kacenu safumaneha. Ya sina maino ni musebezi ki sicambimba - kaufela bona kacenu ba patehile. Libangongi libata wakupamula. Kwanu, onafa bupilo bufetuha kakota kakutumbulisa mulilo. Bunde bwakwahae ki ko mañi ni mañi amatela ni kuankufela kuyofumana kozo kwalubasi lwahae.

Nguvei na katazehile hana lika kufeza misebezi mwamuleñi ili mwa Central Business District. Kacenu le ki lizazi la butokwa mwabupilo bwahae kakuli muunaa hae, Kapanda Tjikotoke, umu ezeza mukiti wo mutuna wa kupepwa kwahae mwalihae labona la Hocklandpark. Kupuzo ye kumuuna hae imutiseza tabo. Muunaa hae ki mulikani yasepahala hahulu, ki musumo wo maata mwanako yetata, kuikabela tabo ni nyakalalo mwalinako zende ... uswanela kubala lithonolo lahae - kusina kubilaela. 'Ne niseni libezi kuleka ayisi kilimu - yelatiwa hahulu ki Upi!' Ahupula mwanaa hae wamushimani walilimo zetalu hana ikutwa bumaswe ni mafosisa kalikezahalo hana kafita kwandu asina ayisi kilimu. Nekuse kufitile lilimo zelishumi mwalinyalo labona ni Kapanda isamba bapepela mwana alimuñwi feela.

Muhupulo wahae neu inzi kale kwahae, Nguvei na sika tokomela hananza pumahanya mukwakwa. Simbayambaya sene siatumela sato mushuta bukaufikaufi. Mukwaezi hana lika kumupima ni kusa tisa kozi, putumende yebukiti yawa mwasimbayambaya ni kuto nata Nguvei kwatoho. Kamuzuzunyana feela; Nguvei aipumana sali mwalifasi lisili lafifi. Lifasi leo lizibahala feela kubabapila kulona sapili, lifasi la babasabuyeli ni kupila; lifasi lelisina mulumo la babasabuyeli ni kupila, lifasi lelisina mulumo ni kuopela kwalinyunywani. Nguvei ayo ipumana kwateñi. Kukona kuba ko kubata kamba ko kucisa. Hakuna pono yamubala ki kokuseta.

Kwaputehela sicaba fakezahalo yakozi kamizuzunyana. Minahano yabona yasebeza kufitelela nako. "Ki mañi? Kuezahalileñi?" Kumaswe luli, "ushwile?" Bafitisa matomola pilu, "Kumaswe luli. Bahabo yena ba ombaombiwe. "Kuba meeto abona hande," Kono wabuyela!" Ambulansi yato fita fakezahalo mi baalafi bakala kutusa Nguvei, yalapalalile asa nyanganyi, kusina sakona kueza ni pata yahae ili mukungulu. Kuyomuñwi wabaalafi atalima babañwi anza makalalile ni kushobota: "Kwakomokisa, kwakomokisa luli; hana liñiba famubili wahae, kiñi se si fosahalile kuyena?" Batalimeli ba babulaiwa ki se si fosahalile kuyena?" Batalimeli bababulaiwa ki sesi ezahezi, ba kwalula mazebe abona - ikaba ona makande amulalelo wa fatapule. "Mwendi usabile," wabubeli mualafi ashobota kwamulaho. Kubabatalimezi, yana konile kuutwa cwalo, aikutwa hande.

Baalafi babeya Nguvei fakambeta ni kumunanulela mwaambulansi. Kasamulahonyana, ambulansi yananuha kalubilo lo lutuna fakezahalo inge lisho le lizwa mwabuta. Habali mwaambulansi balika kamo neba konela kaufela kumutusa. Lumonyi lo lufubelu lunze lufefoka fahalimwaa ambulansi ha inze i ankufezi kwasipatela se situna ili kona kwa State Hospital. Kamulumo wo mutuna wakumamelisa bakwaezi ba bañwi kuli bafe nzila kwaambulansi yefita. Kubonahala ona cwalo inge mo kubulelelwa: “Ni zwele mwanzila! Ki bupilo bwamukuli.”

*(Itokozwi mwalikande la bo N K Mbaeva)*

**PUZO 3**

Bala timana yelatelela yetalusa kaza mutu yengilwe mwa Tukandenyana.

(a) Ufitise maikuto kamo muñoli nasebelisize puo ni mukwa kutahisa mwabonahalela mutu yasangwani kono inge alatiwa. [20]

(b) Nako yeo mubabaleli walibuka hazwile fasikolo, yomuhulu wasikolo añola mwamagazini ya sikolo kaza musali yoo. Uñole kalulo yatahiso. Usebelise hahulu manzwi aha, usebelise kalabo yahao ka kuitomahanya famutomo watimana yefilwe yalikande.

Uñole manzwi amwahalaa **120 – 150**. [10]

**Shii! foo kutaha Mubabaleli walibuka**

Mwalilimo zeni zibile musaliyoo, nenibile ni kumukuteka kokushelana kuyena Mubabaleli walibuka wasikolo saluna sesipahami. Kalinzwi lililiñwi naka tolokwa kuli ki “pukujwe” kono kibakeñisa kuli nahanile kuamuhela mukwa, wakubizwa kaseo babiza “Librarian”. Babañwi baituti neba hupula sapili kuli haswalehi, kono bao babangile nako kumuziba neba lemuhile kuli kimutu ya ipitezi kwazibo.

Kamutalimelo wapili, neli mutu yana talimeha kusabisa kuyamu lubukezi. Milili yahae nako kaufela nehasani inge mashamba bakeñisakuli nekubonaha kuli nazamaya kafa ni kafa kakuankufa. Muzamaelo wahae neli kakundukundu kubaba talimezi. Yomuñwi nakona kulemuha kuli nanani tumo, mwanakonyana ubizelizwe kuyo peta musebezi wahae. Mulangu haulila wakukala kuituta, musali yoo nazamaya kabuikumuso kuya kwa ofisi yahae, mane inge kuli nekunani butata bonebutokwa kulapelelwa.

Mutinelo wahae kamita, nihakulicwalo, nesi olukela bakereste. Kabuniti, baituti nebamu sheununanga kuli uswanela kufumana musebezi wamwa pumulo wakuyemisa ndembela kuba mukwakwa. Mibala ye pazima, kiyona yana lata hahulu kutina. Asa siya feela sibaka sa Library kubeluka, baituti neba ombala inge kuli kipula yelengile. Kanako ya kakusasana, mubala wahae omutala ni wa Pinke neuhapa meeto kapili asatozwa feela mwamunyako wa ndandulumo. Kamukwa wahae, manzwi ahae apili neli kuopela pina “Muzuhile Cwañi!” Honafo feela kaufela bona baka talimela kwahalimu kulitela munyololo wa manzwi ane aka latelela hape. Nanani mukwa okomokisa habiza manzwi amatelele - hakuna ni matumamoho amañata kubutuka. Na asebelisa kabundume, nikumu swanela, minelukona feela kumenya, kulumela katoho nikulika kualaba kasikupuki. Mwalinako zeñata neiba kuli manzwi awo nelusa azibi, cwale yena nazamaya hape kuliba kwasibaka sesiñwi kaku ikolwisisa kuli ulufalezi.

Sina hana bulela katokomelo, kamomu kona kuhupulela yomuñwi yali mwasitulo sahae, linzwi lahae neli pahami. Kuzwelela kumubakweli wahae yalateha kalabo neli kuli, “Wa huwa, mufumahazana?” Kabuniti baituti nebakona kuutwa zatuto yahae hali mwakilasi bona inge balimwa mikwakwa, kapa mwalizazi lelikuzize, mane cwalo nihabali mokucelwa lico zamusihali.

Mokubonahalela, mikwa yahae yemiñwi neyisangwani ni ya Mubabaleli walibuka. Nali wa manyamenyame - nesi yabunolo kapa yaikutekile sina babañwi banatilo yola. Kalizazi leliñwi leli ketahani kutalimela pumulo ya Ngilisimusi, yomuñwi yazibahala ticele wa physics ato mutubeta kwamulomo fapila buñata bwababeleki bana beleka nibona. Sato halifa nikumu omanya kamanzwi. Abulela fokusweu kuli haiba taba yebusula yeo inge ikutela hana kumuswalela.

Kasumulaho, babañwi baituti balikatazi sebakala kuseha. Kwamafelelezo alizazi, nekubonahala kuli pilutelele yahae neilikilwe, minekusa komokisi kuluna babañata halumu bona inge abina hahulu inge sipulumuki kwamafelelezo amukiti wa ngilimusi mane alaha kakota kangilisimusi. Cwale nto yene swanela kuswabisisa kubabañata yaba lumenyo feela niku amuhelwa kilubasi tuna lwasikolo. Lumu kolobelize “Mubabaleli walibuka yatabile,” yena yanasa nyemiswi kikubeiwa libizo la lishendo.

Kanako yeo Mubabaleli walibuka waluna yalateha hasa cinciwa kuisiwa kwasikolo sisili, nelu ikutwile matomolapilu hakuto fita musali ya amuhezwi, yalukile ni kuombala yatonga sibaka sahae. Kimañi yakalu zusa zazi ni zazi kalinzwi lamukushuko? Kilinzwi lamañi leluka huwelezanga mwalimota nihaike kuli mulangu wa mafelelezo useu lilile? Kana kikuli uka lemuha kuli ungile kalulo yeñwi yakuluna kuyena? Yabutokwa hahulu nikufita, kana ukalemuha lisuba la siile mwumulaho?

*(Ms S. Powell, 15 Yenda 2015)*

**BLANK PAGE**

---

The DNEA acknowledges the usage and reproduction of third party copyright material in the NSSC Assessment, **with and without permission** from the copyright holder. The Namibian Government Copyright Act allows copyright material to be used limitedly and fairly for educational and non-commercial purposes.

The Directorate of National Assessment and Examinations operates under the auspices of the Ministry of Education, Arts and Culture in Namibia.